


LETTRE DE
MONSEIGNEUR LE
PRINCE DE DOMBES,
Gouverneur de Dauphiné, &
Lieutenant general pour le
Roy en ses armee & pays de
Bretaigne.

*A Messieurs des trois Estats de ceste Pro-
vince: Sur la venue des Espagnols.*



Iouste la Coppie imprimée
à Rennes.

M. D. L X X X X.

15

LETTRE DE

MONSIEUR DE

SAINT-GERMAIN

SEigneur de Daulny

Commandant General pour le

Roy en les villes & pays de

Normandie.

En vertu de l'ordonnance du Roy

du 15 Mars 1563.



Donné à Paris le 15 Mars 1563.

Enregistré.

Par le Procureur General.

Enregistré.

Par le Procureur General.



LETTRE DE MONSEI-
GNEVR LE PRINCE DE
Dóbes, Gouverneur de Daul-
phiné, & Lieutenant general
pour le Roy en ses armee &
pays de Bretagne. A Messieurs
des trois Estats de ceste Pro-
uinee, sur la venuë des Espa-
gnols.

MESSIEURS, Je vous
ay par cy deuant assez
faict paroistre par mes
escrits publics & par-
ticuliers, que l'intention du Duc
de Mercœur estoit de desmëbrer
& desvnr ceste Prouince de la

Couronne de France, & faire re-
 naistre en la personne, & des siës,
 la qualité de Duc de Bretagne,
 sous couleur de certaines pre-
 tentions imaginaires, qu'il a tous-
 iours iugees vn trop foible fon-
 dement pour esbranler la fidelité
 que vous auez inuolablemēt gar-
 dee aux Roys & souuerains Sei-
 gneurs. Il a donc recherché vn
 pretexte plus specieux pour vous
 attirer au desir de son ambition:
 & trouuant celuy de la Religion
 à propos, il a iusques icy abusé de
 la pieté des plus simples & igno-
 rans, & s'est industrieusement ser-
 uy de la malice des plus aduisez,
 pour auancer ses affaires à la rui-
 ne des gens de bien, amateurs du
 repos, franchises & libertez de

leur patrie. Et sans auoir esgard
à son honneur, ny à celuy qu'il
auoit de l'alliance du feu Roy
tres-Chrestien & tres-Catholi-
que, & aux grands biens receuz
de sa Maiesté, & de la France, a
esté des premiers, qui (sans autre
subiect que d'ambition) a par si-
nistres moyens & artifices, sous
l'autorité que ladicte Maiesté
luy auoit donnee en cestedicte
Prouince, desbauché ses subiects
de son obeissance, s'est emparé
de ses meilleures villes & places
fortes: & en fin conspiré & parti-
cipé au cruel & barbare assassinat
commis à la personne de ladicte
Maiesté. Par le commandement
de laquelle m'estant acheminé en
cestedicte Prouince, pour m'op-

poser à ses pernicieuses entre-
 prises, l'ay trouué bonne partie
 des plus gens de bien du Clergé,
 tous les Seigneurs, & presque tous
 les Gentils-hommes, avec Mes-
 sieurs de la Court de Parlement,
 & la ville de Rennes, fort dispo-
 sez de m'assister au seruice du
 Roy, comme ils ont tousiours
 faict, de leurs personnes & moyës,
 pour empescher le cours des pro-
 speritez de ce nouveau Tyran,
 lequel s'estoit saisi non seulement
 de toutes les villes, mais faict ar-
 mer les parroisses & villages, souz
 promesses & publications de les
 exempter du payement de tous
 les deniers deuz à ladicte Maie-
 sté: auoit dressé de grandes pra-
 ctiques dans ceste ville de Ren-

nes, & reduict celle de Vitré à l'extremité, par vn long siege, que ie luy fis honteusement leuer. Et depuis, par l'assistance de la Noblesse, qui ne s'est iamais lassée de servir son Roy, & a autant que nulle autre de ce Royaume faict demonstration de sa valeur & fidelité, Dieu m'a faict la grace que ie suis demeuré en possession de le chasser & faire fuir deuant moy, prendre & forcer des meilleures villes & places qu'il tenoit, à la barbe de son armee, tailler à sa veüe des regiments & Compagnies de cheuaux legers en piécès, & depuis peu de iours faict leuer le siege de deuant Pontorson, & par plusieurs fois présenté la bataille, pour l'ex-

treme desir que i'ay de terminer
 les maux & oppressions du pau-
 ure peuple: sans que iamais ledit
 Duc ayt ose entreprendre de sortir
 hors des murailles des Villes où il
 s'estoit retiré, encor' que son ar-
 mée surpassast en nombre la no-
 stre: mais inferieure du tout en Iu-
 stice de cause & valeur de coura-
 ge: Toute la Prouince, & ceux de
 son party, sont telmoings oculai-
 res de ceste verité: Et toutesfois ne
 iugent pas que l'iniquité & iniu-
 stice de la mauuaise cause qu'ils
 deffendent, rabbat le courage de
 leur Chef, & fait tomber les armes
 des mains à leurs soldats: Les plus
 aduisez du Clergé & de la No-
 blesse commencent à y voir clair:
 les Villes esprouuent combien
 ceste

ceste lascheté leur apporte de ruy-
ne & desolation : Celles de Ven-
nes & de Dol en peuuent rendre
tesmoignage : les habitans des-
quelles, apres l'auoir receu, & son
armée fuyant deuant nous, ont e-
sté au partir rançonnez de gran-
des sommes de deniers, & le sol-
dat y a vescu à discretion. Les par-
roisses & villages, au lieu de ce
soulagement & exemptions pro-
mises, ont esté ruinées par ceux
mesmes qui leur en auoient fait
la promesse. En fin, toute la Pro-
uince ne pouuoit plus supporter
le fardeau de ceste barbare guer-
re, introduite par l'ambition de
cest vsurpateur : & estoit sur le
point, comme toute la France, d'a-
bandonner ce damnable party,

recognoistre son Roy legitime &
 naturel, & aduiser comme vrais
 François à remedier par doux
 moyens & gracieux aux miseres
 communes, & ne seruir plus de
 iouet & risée aux estrangers. Mais
 comme le Duc de Maine de son
 costé, apres auoir reduit la France
 en la plus horrible confusion &
 ruyne que iamais ayt esté Monar-
 chie, à mieux aymé la trahir & li-
 urer toute deschirée à l'Espagnol
 son ancien & plus cruel ennemy,
 que de la voir remettre & r'entrer
 en grace avec son Roy: Aussi ledit
 Duc de Mercœur ayant pillé &
 rauagé à son plaisir les bonnes vil-
 les de la Bretaigne, rendu les par-
 roisses desertes, & fait brusler infi-
 nies maisons de la Noblesse,

1937
n'ayant moyen de maintenir ce-
ste cruelle Tyrannie par ses forces
particulieres, comme desespéré a
fait venir l'Espagnol, affamé de
gain & de pillage, plein d'orgueil
& de lubricité, pour exposer à son
auarice ce peu qui vous reste de
biens, soubmettre voz personnes
& vies à son arrogante domina-
tion, & prostituer voz femmes &
filles à sa cupidité & luxure insa-
rnable. MESSIEURS, les maux
que vous auez senty iusques icy,
sont tres-grands, & toutesfois ce
sont voz parents, voz amis, voz
voisins qui ont esté les instru-
ments & executeurs, foulant aux
pieds tout deuoir & considera-
tion, pour courir à vostre ruyne,
& satisfaire au desir démesuré de

cest ambitieux. Que pouuez vous maintenant esperer de l'Espagnol? Quel traitement attendez vous du plus barbare ennemy qu'ayt iamais eu la France? Que vous pouuez vous promettre de ceste monstrueuse nation, qu'un monstre de cruauté non encor' cogneües ny practiquées entre les plus perfides & meschans hommes du monde? La seruitude, la cadene, les fers, seront voz plus gracicux traictemens. Vous serez emmenez à pleins vaisseaux aux Indes, pour seruir de forcats & de pionniers à ses nouuelles conquestes. Il establiera en voz Villes des colonies d'estrangers, & voz possessions & maisons seront habitées de ses soldats. Voyez ce qu'il a fait

à Naples , à Milan , en Flandres,
& par tout où on luy a permis
mettre le pied. Apprehendez
encor' quelque chose de plus
grand, de plus dur , de plus cruel,
& plus barbare. Voilà , Messieurs,
l'abyfme des miseres & desola-
tions où vous a precipité le defir
de nouveauté: Voilà les fruits que
vous cueillez de ce changement,
que vous avez , ie ne diray pas fi
curieusement , mais furieusement
embrassé. Voylà que vous appor-
te d'auoir trop legerement adiou-
sté foy aux persuasions des faux
Predicateurs, qui, au lieu de la pa-
rolle de Dieu, vous ont appris le
meurdre, la rebellion, la diuision,
& le pillage. Il y a toutesfois moyë
de vous deliurer & garantir de

toutes ces calamitez, & reparer en
 peu de temps les miseres passées:
 & comme vous en auez esté la
 cause & mouuement, estre aussi
 l'origine & principe du remede.
 Resouuenez vous seulement de
 l'aïse, du repos, du bon temps, de
 l'abondance de tous biens qui a e-
 sté en voz maisons depuis tant
 d'années, que vous auez continué
 en l'Vnion de la Couronne de
 France. Representez vous les hon-
 neurs & enrichissements que les
 Roys vous ont apportez pour re-
 compense de vostre fidelité: &
 qu'au lieu de cela le Duc de Mer-
 cœur depuis cinq ans vous y a
 causé la necessité, la diuision, l'in-
 fidelité, & en voz maisons le sol-
 dat: & par consequent toute espe-

ce de seruitude & des-honneur: le
 commerce & traffic, tant par mer
 que par terre vous est interdit, &
 vous a changé ce tant louable ex-
 ercice (qui vous faisoit cognoistre
 par tout le monde, & remplissoit
 voz Villes de richesses & com-
 moditez) en vne guerre sanglante,
 qui vous fait par trop sentir les
 peines de vostre temerité. Finale-
 ment, pour le comble de vostre
 extreme desolation, il vous don-
 ne à l'Espagnol. Aurez vous bien
 si peu de soin de vostre liberté? de
 vous laisser vendre comme esclau-
 es? Vous voudrez vous encore
 laisser piper à ceux qui vous di-
 sent que ceste guerre est pour la
 Religion L'assassinat du deffunct
 Roy tres-Catholique, l'empoi-

sonnement de nostre S. Pere le
 Pape, depuis peu de iours, pour
 n'auoir voulu adherer à ceste tu-
 reur, ne sont ce pas tesmoignages
 suffisans que la Ligue veut par ce-
 ste guerre, plustost gagner le
 Royaume de France que celuy
 des Cieux? Ne croyez donc plus
 ces artifices, voz payfans les sça-
 uent iuger: Vous pouuez vous ga-
 rantir, en fermāt voz portes à l'en-
 nemy de vostre repos: Vous estes
 encor' maistres dāns voz Villes,
 reprenez vostre liberté: le Roy
 Monseigneur vous tend les bras:
 Il vous receura comme bon pere,
 & vous fera iouyr des biens, di-
 gnitez & hōneurs que vous auiez
 accoustumé auant que vous co-
 gneussiez ledit Duc de Mercœur:

Sa

Sa Maieſté vous confermera & protegera non ſeulement de luy & de les Eſpagnols, mais de toutes les nations de la terre qui voudroient vous nuire. Voyez comme le Duc de Parme & ceſte grande armée, qui (à leur dire) deuoit deuorer toute la France: ſe deſfait peu à peu de ſoy meſme. Ne craignez point, Meſſieurs, celle qui eſt venue en ceſte Prouince, i'ay les armes à la main, pour (auec la grace de Dieu) luy faire ſentir la valeur des Bretos, & la tailler en pieces auſſi toſt qu'elle paroitra à la cāpagne. Ie ne vous demande point voz biens, ny la retraicte dās voz villes ie n'ay point accouſtumé cela, ie deſire ſeulement que vous n'aſſuſſiez point l'ennemy public à voſtre ruine: que vous

ne vous submettiez point à la tyrannie: que vous conseruiez vōz villes, vōz biens, & l'honneur de vōz familles sous l'obéissance de sa Maïesté: & que vous nous fauorifiziez seulement de vōz vœux & prières. Pour le regard de la Noblesse qui est encor' enforcée des charmes & artifices de ce party, ie l'adinonneste de se mettre deuant les yeux l'honneur de ses predecesseurs, leur fidelité aux Roys de France, & leur charité à leur patrie: S'ils sont enfans dignes de tels peres, qu'ils imitent leur vertu. Et si le mescontentement ou le desir de chercher quelque honneur & auancement leur a faict iusques icy porter les armes contre leur deuoir, sous le pretexte de la Religion, Qu'ils

iugent maintenant par la venue
de l'Espagnol de l'intention de
leur Chef; & ie m'asseure, s'ils ne
sont aveuglez de passion, qu'ils
ne voudront estre instruments
de seruitude à leur patrie: pour la
liberté de laquelle leurs peres ont
si librement exposé leurs vies. Ie
leur promets toute faueur & gra-
ce enuers sadiète Maiesté: de la-
quelle ils peuuent esperer plus
d'honneur & de bien en yne heu-
re, que du Duc de Mercœur en
toute leur vie: A la charge qu'ils
abiureront lediét party, embras-
seront avec moy & tous les Sei-
gneurs & Gentils hommes de
cestediète Prouince le seruice de
sadiète Maiesté: laquelle, suyuant
ses declarations & ordonnances,
les conseruera en nostre sainte

Religion Catholique, Apostolique & Romaine, sans y rien alterer ou changer, comme chacun sçait que nous y auons tenu la main, suyuant nostre deuoir & profession que nous faisons de la dicte Religion; que nous auons plus chere que nostre vie. Je prie aussi & coniure à ceste fois plus que iamais, tous lesdicts Seigneurs & Gentils-hommes, & tous autres qui se sont conseruez en la fidelité ancienne de leurs predecesseurs à la Couronne de France, de se tenir prests d'en rendre preuue à ceste occasion, en laquelle il est question du salut & liberté publique, & de la conseruatiō de leurs vies & biēs. m'assurant qu'ils y apporteront tout ce qui sera de leur pouuoir,